

Қадр кечасини бошқа кечалардан қандай ажратиб оламиз?



Қадр кечасини бошқа кечалардан қандай ажратиб оламиз?

23:44 / 11.04.2023 2216

Бу муборак ва барокатли кечанинг аломатлари қуидагилардир:

Ушбу муборак кечанинг аломатлари бўлиб, улар қуидагиларда намоён бўлади:

1. Қадр кечасида сокинлик ҳукм суради. Атроф мусаффо, ёруғ, худди сукунатга ўралган ёғдули ой чарақлаб тургандек бўлади.
2. Осмондаги юлдузлар учмайди, бошқа жисмлар қалтис ҳаракат қилмайди. Касалликлар пайдо бўлмайди.
3. Ҳаво мўътадил бўлади, жуда иссиқ ҳам, жуда совуқ ҳам бўлмайди.
4. Эрталаб қуёш қизариб, тоғарага ўхшаш, ёғдуси жуда заиф бўлиб уфқдан бош кўтаради. Сабаби ўша тун ва кунда кўп фаришталар ерга тушиб-чиқиб туриши оқибатида қуёш нурларини ҳам тўсиб қўяди.
5. Қадр кечасида ёмғир-қор ёғмайди, ёғса ҳам ўта майнин ва ёқимли бўлади. Шўр сувлар чучук бўлади.
6. Дарахтлар ўз шохларини ерга эгилтириб туради.
7. Ўша куни шайтонлар чиқишига йўл қўйилмайди.

Қадр кечаси қандай фазилатларга эга?

У минг ойдан яхшироқ кечадир, дейилади. Агар бу ҳисоб-китоб қилиб күрилса, тахминан, 83,3 йилга түғри келади. Мана шу кечада қилинадиган ибодатлар, зикрлар, саловот-у тасбехлар, дуолар ана шундай вақт кенглигини қамраб олади.

Бу - шу муборак кечада қилинган ибодатлар шунча йил давомида бажарилган ибодат савобидан афзал, деганидир. Бундан ортиқ бу кечанинг яна қандай гўзал ва улуғвор фазилати бўлиши мумкин?

Қолаверса, бу кеча омонлик ва барокот кечаси. Унда банданинг бир йиллик ҳисоб-китоби ер юзига туширилади. Бу кечада банда бедор бўлиб, Аллоҳга муҳлис ҳолатида, яъни ихлос илиа дуо қилса, гуноҳлари мағфирати, икки дунё саодати, ўзининг эҳтиёжлари ҳақида сўраса, дуоси шубҳасиз ижобат бўлади.

Абу Ҳурайра розияллоҳу анхудан ривоят қилинади:

«Пайғамбар соллаллоҳу алайҳи васаллам: «Ким Қадр кечасини иймон ва ихлос билан бедор ўтказса, унинг ўтган гуноҳлари кечирилади», дедилар.

Қадр кечасида қандай дуоларни қилган афзал?

Бу кечада қазо намозлар, нафл ва таҳажҷуд намозларини ўқиган афзал. Бундан ташқари, Қуръони Карим тиловати, Аллоҳни улуғлаб айтиладиган тасбех, истиғфор ва зикрлар, пайғамбаримиз Мұҳаммад соллаллоҳу алайҳи васалламга бағишлиб салавот ва дурудлар айтиш улкан ажр-савобларга сабаб бўлади.

Ойша онамиз розияллоҳу анходан ривоят қилинади:

«Ё Расулуллоҳ агар Қадр кечасини топишга муваффақ бўлсам нима деб дуо қиласай?» деб сўрадилар. Набий соллаллоҳу алайҳи васаллам: «Сен: **«Аллоҳумма иннака ъафуввун, туҳиббул ъафва фаъфу ъанний»**, деб айтгин», дедилар».

Термизий, Ибн Можа ривояти.

Маъноси: «Ё Аллоҳ, албатта, Сен кечиргувчисан, кечиришни яхши кўрасан. Мени (гуноҳларимни) кечиргин».

Барчаларимизга мана шу кечанинг барокоти, ҳикмати, файзи, саломатлиги, мубораклиги насиб этсин, унда қиладиган ҳар бир амалимизни Аллоҳ таолонинг Ўзи даргоҳида қабул қилсин.